



*ODLUKA O PROVOĐENJU  
ELABORATA O MOGUĆIM LOKACIJAMA ZA POSTAVLJANJE  
SPOMENIKA, SPOMEN-OBILJEŽJA I SPOMEN-PLOČA NA  
PODRUČJU GRADA SARAJEVA, A KOJI SU OD ZNAČAJA ZA GRAD  
SARAJEVO  
(prijedlog)*

*Predlagač: Gradonačelnik  
Obrađivač: Služba za urbano planiranje,  
investicije, stambene i komunalne poslove*

*Sarajevo, juni 2019. godine*



Na osnovu člana 26. stav (1) tačka 2. Statuta Grada Sarajeva („Službene novine Kantona Sarajevo“ broj: 34/08 – prečišćeni tekst), Gradsko vijeće Grada Sarajeva, na sjednici održanoj dana \_\_\_\_\_, donijelo je

- prijedlog -

**ODLUKA O PROVOĐENJU  
ELABORATA O MOGUĆIM LOKACIJAMA ZA POSTAVLJANJE SPOMENIKA,  
SPOMEN-OBILJEŽJA I SPOMEN-PLOČA NA PODRUČJU GRADA SARAJEVA, A KOJI  
SU OD ZNAČAJA ZA GRAD SARAJEVO**

**DIO PRVI - OPĆE ODREDBE**

**Član 1.  
(Predmet odluke)**

Ovom Odlukom uređuje se primjena Elaborata o mogućim lokacijama za postavljanje spomenika, spomen-obilježja i spomen ploča na području Grada Sarajeva, a koji su od značaja za Grad Sarajevo (u daljem tekstu: Elaborat) čija je izrada i donošenje je propisano Odlukom o spomenicima od značaja za Grad Sarajevo („Službene novine Kantona Sarajevo“ broj: 8/19 -Pročišćeni tekst ) (u daljem tekstu: Odluka), kao i provođenje drugih neophodnih aktivnosti koje imaju za cilj određivanje lokacije spomeničkog sadržaja i izgleda idejnog rješenja, a što je sadržaj postupka do donošenja odluke o podizanju spomenika, spomen-obilježja ili spomen ploče koji mogu biti u vidu skulpture, biste, spomen – kompleksa, odnosno obilježja, spomen česme, spomen ploče i fontane koji su svojim sadržajem, estetskim izgledom i funkcionalnošću namijenjeni očuvanju uspomena, historijskih događaja i ličnosti (u daljem tekstu: spomenika).

**DIO DRUGI – INICIJATIVA ZA PODIZANJE SPOMENIKA, PRIMJENA ELABORATA,  
ODREĐIVANJE LOKACIJA, IDEJNO RJEŠENJE I ODLUKA O PODIZANJU  
SPOMENIKA**

**POGLAVLJE I. PODNOŠENJE I VALORIZACIJA INICIJATIVE**

**Član 2.  
(Podnošenje inicijative)**

- (1) Inicijativa za podizanje spomeničkog sadržaja od značaja za Grad Sarajevo se podnosi gradonačelniku Grada Sarajeva.
- (2) Inicijativu mogu podnijeti gradski vijećnici Grada Sarajeva, općinski vijećnici gradskih općina, gradonačelnik Grada Sarajeva, načelnici gradskih općina, pravna lica i udruženja građana. Pravna lica i udruženja građana mogu podnijeti inicijativu za podizanje spomenika putem gradske općine.
- (3) Inicijativa mora sadržavati naziv događaja, odnosno ime ličnosti u čiji spomen se inicira podizanje spomenika, sa obrazloženjem i prijedlogom lokacije.

**Član 3.  
(Valorizacija inicijative)**

Gradonačelnik podnesenu inicijativu upućuje Komisiji za spomenike Gradskog vijeća koja vrši valorizaciju događaja, odnosno ličnosti u skladu s članom 2. Odluke, te odlučuje je li događaj, odnosno ličnost u čiji spomen se inicira podizanje spomenika, od značaja za Grad Sarajevo.

**Član 4.**  
**(Javna debata o lokaciji)**

- (1) Po utvrđenom značaju, Gradonačelnik i podnosioci inicijative moderiraju rad javne debate
  - kako bi se utvrdilo postojanje, a dalje i važnost veze historijskog događaja ili ličnosti sa lokacijom na kojoj se inicira podizanje spomenika od značaja za Grad Sarajevo u skladu s Odlukom;
  - kako bi se opredijelili o potrebi raspisivanja konkursa radi pribavljanja idejnog rješenja, te
  - da bi razmotrili model finansiranja aktivnosti na pripremi i podizanju spomenika.
- (2) U debati učestvuju, na poziv gradonačelnika Grada Sarajeva, subjekti relevantni za tematiku spomenika iz inicijative koja se razmatra, nadležne institucije, akademska zajednica i građani.

**POGLAVLJE II. LOKACIJE ZA PODIZANJE SPOMENIKA IZ ELABORATA**

**Član 5.**  
**(Primjena Elaborata)**

- (1) Ukoliko se u toku debate ustanovi da je historijsku vezu spomenika sa lokacijom na kojoj se inicira podizanje spomenika, teško ustanoviti ili ona nije izričito važna, razmatraju se lokacije za podizanje spomenika utvrđene u Elaboratu, prioritarno sa prostornog i urbanističkog aspekta.

**Član 6.**  
**(Provjera dostupnosti lokacije)**

- (1) U postupku razmatranja inicijative za podizanje spomenika na određenoj lokaciji, nadležna služba Gradske uprave, provjerava je li predložena lokacija za izgranju spomenika raspoloživa, odnosno da nije izvršeno građenje nekog drugog objekta u skladu s drugim planskim dokumentom višeg reda s kojim Elaborat u međuvremenu nije usklađen, te je li određenim planskim dokumentom višeg reda, konkretnom lokalitetu ili njegovom bliskom okruženju promijenjena namjena tako da je u koliziji s podizanjem spomenika, bilo prostorno, bilo sadržajno.
- (2) Ukoliko izgradnja nije moguća zbog ranijeg zauzimanja ili promijenjene namjene na konkretnom lokalitetu kako je to navedeno u stavu 1. ovog člana, odabire se druga lokacija iz Elaborata po istom postupku.
- (3) Lokacije u Elaboratu se revidiraju najmanje jednom u 10 godina, a po potrebi i ranije.

**Član 7.**  
**(Spomenici od značaja za Grad Sarajevo i Bosnu i Hercegovinu)**

- (1) Gradonačelnik Grada Sarajeva i Komisija za spomenike Gradskog vijeća, u primjeni Elaborata, imaju nadležnost da razmatraju i odabiru lokaciju za koju je u „Ličnoj karti spomenika“, u rubrici „Lokacije“, stavljena oznaka „Bosna i Hercegovina“.
- (2) Na lokaciji iz stava 1. ovog člana, mogu se podizati spomenici koji se odnose na događaje, odnosno ličnosti od značaja za Grad Sarajevo i Bosnu i Hercegovinu, u skladu s kriterijima iz Odluke, a koji se trebaju podići u glavnom gradu države.
- (3) Obavezno je raspisivanje javnog konkursa kako bi se za svaku lokaciju iz stava 1. ovog člana, postiglo primjereno spomeničko ili skulpturalno rješenje, uz analizu specifičnih urbanističko-arhitektonskih elemenata i okruženja.

**Član 8.**  
**(Spomenici od značaja za Grad Sarajevo)**

- (1) Gradonačelnik Grada Sarajeva i Komisija za spomenike Gradskog vijeća, u primjeni Elaborata, imaju nadležnost da razmatraju i odabiru lokaciju za koju je u „Ličnoj karti spomenika“, u rubrici „Lokacije“, stavljena oznaka „Grad Sarajevo“.
- (2) Na lokaciji iz stava 1. ovog člana, može se podizati samo spomenik koji se odnosi na događaje i ličnosti od značaja za Grad Sarajevo, u skladu s kriterijima iz Odluke.
- (3) Idejno rješenje spomenika koji se podiže na lokaciji iz stava 1. ovog člana, mora biti usklađeno sa urbanističko-arhitektonskim okruženjem.

**Član 9.**  
**(Spomenici od značaja za gradske općine)**

- 1) Općina koja je u sastavu Grada Sarajeva, u primjeni Elaborata ima mogućnost izbora lokacije kojoj je u „Ličnoj karti spomenika“, u rubrici „Lokacije“, stavljena oznaka „općina“, a koje se nalaze na teritoriju općine koja podiže spomenik.

**POGLAVLJE III. LOKACIJA ZA PODIZANJE SPOMENIKA KOJA NIJE SADRŽANA U ELABORATU**

**Član 10.**  
**(Spomenici od značaja za Grad Sarajevo i Bosnu i Hercegovinu)**

- 1) Ukoliko se ustanovi da je bitna veza spomenika sa lokacijom na kojoj se inicira podizanje spomenika, a koja nije predviđena u Elaboratu, gradonačelnik Grada Sarajeva putem nadležne gradske službe, traži mišljenje o mogućnosti postavljanja spomenika na tako predloženoj lokaciji.
- 2) Gradonačelnik Grada Sarajeva pribavlja mišljenje općine na čijoj teritoriji se nalazi lokacija, mišljenje Zavoda za planiranje razvoja Kantona Sarajevo, mišljenje Kantonalnog zavoda za zaštitu kulturno-historijskog i prirodnog naslijeđa ukoliko se radi o lokalitetu pod zaštitom, a u slučaju da se inicira podizanje spomenika na lokaciji koja se nalazi u zoni zaštite nacionalnog spomenika, pribavlja se i mišljenje Zavoda za zaštitu spomenika Federacije Bosne i Hercegovine.

**Član 11.**  
**(Spomenici od značaja za općinu)**

- (1) U slučaju podizanja spomenika od značaja za općinu koja Elaboratom nije predviđena za postavljanje spomenika, pribavlja se mišljenje Zavoda za planiranje razvoja Kantona Sarajevo, mišljenje Kantonalnog zavoda za zaštitu kulturno-historijskog i prirodnog naslijeđa ukoliko se radi o lokalitetu pod zaštitom, a u slučaju da se inicira podizanje spomenika na lokaciji koja se nalazi u zoni zaštite nacionalnog spomenika, pribavlja se i mišljenje Zavoda za zaštitu spomenika Federacije Bosne i Hercegovine.

## **POGLAVLJE IV. IDEJNO RJEŠENJE ZA PODIZANJE SPOMENIKA**

### **Član 12.**

#### **(Idejno rješenje za spomenike od značaja za Grad Sarajevo i Bosnu i Hercegovinu)**

- (1) Po određivanju lokacije za podizanje određenog spomenika od značaja za Grada Sarajevo i Bosnu i Hercegovinu, te za podizanje spomenika na svim lokacijama unutar uže gradske jezgre, gradonačelnik Grada Sarajeva raspisuje konkurs za izbor odgovarajućeg idejnog rješenja spomenika.
- (2) Gradonačelnik Grada Sarajeva projektني zadatak za izradu idejnog rješenja spomenika formulira u suradnji sa Zavodom za planiranje razvoja Kantona Sarajevo.
- (3) Gradonačelnik Grada Sarajeva formira konkursnu komisiju koju čine predstavnik podnosioca inicijative, pomoćnik gradonačelnika Grada Sarajeva koji rukovodi nadležnom službom za upravu, predstavnik Komisije za spomenike Gradskog vijeća Grada Sarajeva, predstavnik nadležne službe općine na čijoj se teritoriji postavlja spomen obilježje, te ovisno o vrsti spomenika, predstavnici Akademije likovnih umjetnosti ili udruženja ULUBIH i ULUPUBIH, Arhitektonskog fakulteta u Sarajevu ili Asocijacije arhitekata BiH, Zavoda za zaštitu kulturno-historijskog i prirodnog naslijeđa Kantona Sarajevo, Zavoda za planiranje razvoja Kantona Sarajevo, predstavnici institucija i/ili pojedinaca relevantnih za tematiku spomenika.
- (4) Rješenjem o formiranju konkursne komisije imenuju se članovi komisije, utvrđuje djelokrug komisije, uz obavezu donošenja poslovnika o radu komisije, te se utvrđuje visina naknade za rad članovima komisije, tako da pravo na naknadu ostvaruju svi članovi komisije, osim predstavnika Grada Sarajeva, predstavnika Komisije za spomenike Gradskog vijeća Grada Sarajeva, predstavnika nadležne službe općine na čijoj se teritoriji postavlja spomen obilježje i predstavnika podnosioca inicijative.
- (5) Konkursna komisija razmatra pristigle prijave na konkurs i predlaže gradonačelniku Grada Sarajeva rang listu razmatranih idejnih rješenja.
- (6) O konačnom izboru idejnog rješenja odlučuje gradonačelnik Grada Sarajeva.

### **Član 13.**

#### **(Idejno rješenje za spomenike od značaja za Grad Sarajevo)**

- (1) Po određivanju lokacije za podizanje određenog spomenika od značaja za Grad Sarajevo, gradonačelnik Grada Sarajeva, uz konsultacije sa nadležnim institucijama i podnosiocem inicijative, ili putem javnog, odnosno pozivnog konkursa, pribavlja odgovarajuće idejno rješenja spomenika.
- (2) Ukoliko se idejno rješenje pribavlja putem konkursa, formira se konkursna komisija na način kao što je navedeno u članu 12. ove Odluke.

### **Član 14.**

#### **(Idejno rješenje za spomenike od značaja za općine Grada Sarajeva)**

- (1) Po određivanju lokacije za podizanje određenog spomenika od značaja za općinu, općina zajedno sa podnosiocem inicijative pribavlja idejno rješenje, moguće uz raspisivanje javnog ili pozivnog konkursa za izbor odgovarajućeg idejnog rješenja spomenika.
- (2) Za spomenik za koji se inicira podizanje na lokaciji predviđenoj Elaboratom sa oznakom "općina" ili na lokaciji odabranoj u konsultacijama sa nadležnim institucijama, općina pribavlja mišljenje o idejnom rješenju spomenika od Zavoda za planiranje razvoja Kantona Sarajevo, a ukoliko se radi o lokalitetu pod zaštitom i mišljenje Kantonalnog zavoda za zaštitu kulturno-historijskog naslijeđa.

**Član 15.**  
**(Spomen – ploča)**

- (1) Ukoliko na traženoj lokaciji ne postoje prostorne mogućnosti za postavljanje slobodnostojećeg trodimenzionalnog spomenika, a veza spomenika sa lokacijom je bitna, o mogućnosti postavljanja spomenika u vidu odgovarajuće spomen-ploče, na fasadu arhitektonskih objekata na traženoj lokaciji, gradonačelnik Grada Sarajeva pribavlja mišljenje općine na čijoj teritoriji se nalazi lokacija, Zavoda za zaštitu kulturno-historijskog i prirodnog naslijeđa Kantona Sarajevo i Zavoda za planiranje razvoja Kantona Sarajevo, te Zavoda za zaštitu spomenika Federacije Bosne i Hercegovine u skladu sa zakonom.

**POGLAVLJE IV. ODLUKA O PODIZANJU SPOMENIKA**

**Član 16.**  
**(Priprema odluke o podizanju spomenika)**

- (1) Po završenom postupku razmatranja inicijative u pogledu preciziranja lokacije i pribavljanja idejnog rješenja, gradonačelnik Grada Sarajeva upućuje Komisiji za spomenike Gradskog vijeća na dalje postupanje, tekst odluke o podizanju konkretnog spomenika tako da tekst odluke obavezno sadrži idejno rješenje spomenika, precizno određenu mikro lokaciju za podizanje spomenika, podatke o načinu finansiranja i rok za poduzimanje Odlukom propisanih aktivnosti, na podizanju spomenika, te podatke o nosiocu realizacije.

**Član 17.**  
**(Donošenje odluke o podizanju spomenika)**

- (1) Komisiji za spomenike Gradskog vijeća, na osnovu predloženog teksta odluke o podizanju spomenika iz člana 15. ove odluke, utvrđuje nacrt odluke i upućuje ga Gradskom vijeću na razmatranje, a poslije provedene javne rasprave, prema tekstu prijedloga odluke koji priprema gradonačelnik Grada Sarajeva, Komisija za spomenike utvrđuje prijedlog odluke i upućuje ga Gradskom vijeću na konačno odlučivanje.

**Član 18.**  
**(Primjena odluke o podizanju spomenika)**

- (1) Podnosilac inicijative dužan je, po stupanju na snagu odluke o podizanju konkretnog spomenika od značaja za Grad Sarajevo, podnijeti zahtjev za izdavanje urbanističke saglasnosti za podizanje spomenika, nadležnom općinskom organu, najkasnije u roku od 60 dana i o tome istovremeno obavijesti gradonačelnika Grada Sarajeva.
- (2) Ukoliko podnosilac inicijative ne izvrši obavezu navedenu u stavu 1. ovog člana, gradonačelnik Grada Sarajeva pokreće prema Gradskom vijeću proceduru stavljanja van snage odluke Gradskog vijeća o podizanju spomenika od značaja za Grad Sarajevo za čiju realizaciju podnosilac inicijative nije poduzeo odlukom propisane aktivnosti u propisanom roku navedenom u stavu 1. ovog člana.

**DIO TREĆI – ZAVRŠNE ODREDBE**

**Član 19.  
(Stupanje na snagu)**

(1) Ova Odluka stupa na snagu osmog dana od dana objavljivanja u „Službenim novinama Kantona Sarajevo“.

Broj:  
Sarajevo,

*PREDSJEDAVAJUĆI GRADSKOG VIJEĆA*

*Dr. Igor Gavrić*

## **OBRAZLOŽENJE**

### **PRAVNI OSNOV:**

Pravni osnov za donošenje ove Odluke sadržan je u odredbama član 26. stav (1) tačka 2) Statuta Grada Sarajeva („Službene novine Kantona Sarajevo“, broj: 34/08 – prečišćeni tekst) kojim je propisano da Gradsko vijeće donosi odluke, druge propise i opće akte i daje njihovo tumačenje.

### **RAZLOZI DONOŠENJA:**

Programom rada Gradskog vijeća Grada Sarajeva za 2019. godinu planirano je razmatranje „Odluke o provođenju Elaborata o mogućim lokacijama za postavljanje spomenika, spomen-obilježja i spomen-ploča na području Grada Sarajeva, a koji su od značaja za Grad Sarajevo“.

Također, članom 4. Odluke o spomenicima od značaja za Grad Sarajevo („Službene novine Kantona Sarajevo“ broj: 8/19), predviđeno je da se podizanje spomenika vrši u skladu sa Elaboratom o mogućim lokacijama za postavljanje spomenika, spomen-obilježja i spomen-ploča na području Grada Sarajeva, a koji su od značaja za Grad Sarajevo.

Elaborat je usvojen na sjednici Gradskog vijeća Grada Sarajeva održanoj dana 28.01.2015. godine, ali usvajanje Elaborata nije pratilo donošenje Odluke o provedbi Elaborata te je neophodno da Gradsko vijeće Grada Sarajeva usvoji i predloženu Odluku.

Odluka se predlaže na razmatranje u redovnoj proceduri.

### **PREDLOŽENA RJEŠENJA:**

#### **DIO PRVI - OPĆE ODREDBE**

Ovom Odlukom uređuje se primjena „Elaborata o mogućim lokacijama za postavljanje spomenika, spomen-obilježja i spomen ploča na području Grada Sarajeva, a koji su od značaja za Grad Sarajevo“, kao i provođenje drugih neophodnih aktivnosti koje imaju za cilj određivanje lokacije spomeničkog sadržaja i idejno rješenje, a što je sadržaj postupka do donošenja odluke o podizanju spomenika, spomen-obilježja ili spomen ploče koji mogu biti u vidu skulpture, biste, spomen – kompleksa, odnosno obilježja, spomen česme, spomen ploče i fontane koji su svojim sadržajem, estetskim izgledom i funkcionalnošću namijenjeni očuvanju uspomena, historijskih događaja i ličnosti.

#### **DIO DRUGI – INICIJATIVA ZA PODIZANJE SPOMENIKA, PRIMJENA ELABORATA, ODREĐIVANJE LOKACIJA, IDEJNO RJEŠENJE I ODLUKA O PODIZANJU SPOMENIKA**

**POGLAVLJE I. PODNOŠENJE I VALORIZACIJA INICIJATIVE** - U ovom poglavlju se navodi način podnošenja inicijativa za podizanje spomeničkog sadržaja, ovlašteni predstavnici koji imaju mogućnost podnijeti inicijativu, te sam sadržaj inicijative, zatm postupak valorizacije inicijative putem Komisije za spomenike Gradskog vijeća, a po utvrđenom značaju spomenika. Dalje, predviđena je javna debata kako bi se utvrdilo postojanje i važnost veze historijskog sadržaja ili ličnosti sa lokacijom na kojoj se inicira podizanje spomenika, te potreba raspisivanja konkursa kao i mogući modeli finansiranja.

**POGLAVLJE II. LOKACIJE ZA PODIZANJE SPOMENIKA IZ ELABORATA** - U ovom poglavlju predlaže se način i postupak primjene Elaborat.

Predviđeno je da se dostupnost lokacija u Elaboratu provjerava po izabranoj lokaciji, te da se Elaborat suklađuje s važećom planskom dokumentacijom višeg reda najmanje jednom u 10 godina.



Prema Elaboratu lokacije za podizanje spomenika podjeljena su u tri nivoa važnosti. Lokacije koje su predviđene za spomenike od značaja za Grad Sarajevo i Bosnu i Hercegovinu, spomenike od značaja za Grada Sarajevo, te od lokalnog općinskog značaja.

Propisuje se obavezno raspisivanje konkursa za podizanje spomenika od značaja za Grad Sarajevo i Bosnu i Hercegovinu, te za podizanje spomenika na lokacijama smještenim u užoj gradskoj zoni bez obzira na značaj spomenika

**POGLAVLJE III. LOKALCIJA ZA PODIZANJE SPOMENIKA KOJA NIJE SADRŽANA U ELABORATU** - U ovom poglavlju predlaže se postupak odabira lokacije ukoliko se ustanovi da je bitna veza predložene lokacije na kojoj se inicira podizanje spomenika, a takva lokacija nije predviđena u Elaboratu.

Predviđeno je da Gradonačelnik, za spomenike od značaja za Grad Sarajevo i Bosnu i Hercegovinu, pribavi mišljenja općine na čijoj teritoriji se nalazi lokacija, Zavoda za planiranje razvoja Kantona Sarajevo, mišljenje Kantonalnog zavoda za zaštitu kulturno-historijskog i prirodnog naslijeđa ukoliko se radi o lokalitetu pod zaštitom, a u slučaju da se inicira podizanje spomenika na lokaciji koja se nalazi u zoni zaštite nacionalnog spomenika, neophodno je i mišljenje Zavoda za zaštitu spomenika Federacije Bosne i Hercegovine.

Za podizanje spomenika od značaja za općinu na lokacijama koje nisu predviđene Elaboratom, neophodno je pribaviti mišljenja Zavoda za planiranje razvoja Kantona Sarajevo, mišljenje Kantonalnog zavoda za zaštitu kulturno-historijskog i prirodnog naslijeđa ukoliko se radi o lokalitetu pod zaštitom, a u slučaju da se inicira podizanje spomenika na lokaciji koja se nalazi u zoni zaštite nacionalnog spomenika, neophodno je i mišljenje Zavoda za zaštitu spomenika Federacije Bosne i Hercegovine.

**POGLAVLJE IV. IDEJNO RJEŠENJE ZA PODIZANJE SPOMENIKA** - U ovom poglavlju obrađen je način izbora odgovarajućeg idejnog rješenja, odnosno predviđeno je da Gradonačelnik raspisuje konkurs za izbor odgovarajućeg idejnog rješenja spomenika, za spomenike od značaja za Grad Sarajevo i Bosnu i Hercegovinu, te za spomenike koji se podižu na lokacijama u užoj gradskoj jezgri bez obzira na značaj.

Preciziran je sastav konkursne komisije, koju formira Gradonačelnik rješenjem, te osnovni sadržaj rješenja. Definiran je i osnovni djelokrug komisije, te postupak do utvrđivanja konačnog prijedloga idejnog rješenja spomenika.

Za spomenike koji se podižu na lokacijama od značaja za Grad Sarajevo, Gradonačelnik je dužan u saradnji sa nadležnim institucijama i podnosiocem inicijative ili putem javnog, odnosno pozivnog konkursa, pribaviti odgovarajuće idejno rješenje spomenika.

Za lokacije od značaja za općine Grada Sarajeva, u ovom poglavlju je definisano da općina može zajedno sa podnosiocem inicijative pribaviti idejno rješenje raspisivanjem javnog ili pozivnog konkursa za izbor odgovarajućeg idejnog rješenja spomenika. Općina je dužna za spomenike za koji se inicira podizanje na lokaciji predviđenoj Elaboratom sa oznakom „općina“ ili na lokaciji odabranoj u konsultacijama sa nadležnim institucijama, pribaviti mišljenje o idejnom rješenju spomenika od Zavoda za zaštitu kulturno-historijskog i prirodnog naslijeđa Kantona Sarajevo i Zavoda za planiranje razvoja Kantona Sarajevo.

U ovom poglavlju je također, predviđena situacija u kojoj se, ukoliko na traženoj lokaciji ne postoje prostorne mogućnosti za postavljanje slobodnostojećeg trodimenzionalnog spomenika, a veza spomeničkog sadržaja sa lokacijom je bitna, može postaviti spomenik u vidu odgovarajuće spomen-ploče, na fasadu arhitektonskih objekata na traženoj lokaciji, s tim da Gradonačelnik ranije pribavlja mišljenje općine na čijoj teritoriji se nalazi lokacija, Zavoda za zaštitu kulturno-historijskog i prirodnog naslijeđa Kantona Sarajevo i Zavoda za planiranje razvoja Kantona Sarajevo, te Zavoda za zaštitu spomenika Federacije Bosne i Hercegovine u skladu sa zakonom.

**POGLAVLJE IV. ODLUKA O PODIZANJU SPOMENIKA** - Način pripreme odluke o podizanju spomenika predlaže se u ovom poglavlju. Predloženo je da Gradonačelnik nakon preciziranja lokacije i pribavljanja idejnog rješenja, tekst odluke o podizanju konkretnog spomenika upućuje Komisiji za spomenike na dalje postupanje. Odluka obavezno sadrži idejno rješenje spomenika, precizno određenu mikro lokaciju za podizanje spomenika, podatke o načinu finansiranja i rok za poduzimanje aktivnosti na podizanju spomenika, te podatke o nosiocu realizacije.

Nacrt odluke, na osnovu predloženog teksta odluke, utvrđuje Komisija za spomenike, te ga upućuje Gradskom vijeću na razmatranje, a poslije provedene javne rasprave, prema tekstu prijedloga odluke koji priprema Gradonačelnik, Komisija za spomenike utvrđuje prijedlog odluke i upućuje ga Gradskom vijeću na konačno odlučivanje.

U predloženoj odluci je navedena i dužnost podnosioca inicijative propisana Odlukom o spomenicima od značaja za Grad Sarajevo, a koja se odnosi na postupanje investitora po stupanju na snagu konkretne odluke o podizanju konkretnog spomenika za koji je podnesena inicijativa.

Propisuje se obaveza rješavanja pitanja prava po osnovu kojeg će se steći pravo građenja, odnosno podnošenje zahtjeva za izdavanje urbanističke saglasnosti za podizanje spomenika nadležnom općinskom organu. Rok za ovu radnju je 60 dana, uz obavezu da se obavijesti i Gradonačelnik o ovoj aktivnosti.

Za mogućnost da podnosilac inicijative ne izvrši predhodno navedenu obavezu podnošenja zahtjeva za urbanističku saglasnost, predviđeno je da Gradonačelnik pokrene proceduru stavljanja van snage odluke Gradskog vijeća o podizanju konkretnog spomenika.

**DIO TREĆI – ZAVRŠNE ODREDBE** - U ovom poglavlju se provodi obaveza objave odluke u „Službenim novinama Kantona Sarajevo“.

#### **FINANSIJSKA SREDSTVA:**

Za realizaciju ove Odluke planiraju se sredstva u Budžetu Grada Sarajeva

**IZVJEŠTAJ O PROVEDENOJ JAVNOJ RASPRAVI  
NA NACRT ODLUKE O PROVOĐENJU ELABORATA O MOGUĆIM  
LOKACIJAMA ZA POSTAVLJANJE SPOMENIKA, SPOMEN-OBILJEŽJA I  
SPOMEN-PLOČA NA PODRUČJU GRADA SARAJEVA, A KOJI SU OD  
INTERESA ZA GRAD SARAJEVO**

U skladu sa Zaključkom Gradskog vijeća Grada Sarajeva broj: 01-GV-02-260/19 od 20.02.2019.godine, provedena je javna rasprava na Nacrt Odluke o provođenju Elaborata o mogućim lokacijama za postavljanje spomenika, spomen-obilježja i spomen-ploča na području Grada Sarajeva, a koji su od interesa za Grad Sarajevo.

Pozivi za učešće u javnoj raspravi su, u skladu sa navedenim Zaključkom, upućeni sljedećim subjektima:

- općine koje čine Grad Sarajevo i
- klubovima vijećnika u Gradskom vijeću Grada Sarajeva.

Javna rasprava je trajala 30 dana odnosno do 22.03.2018. godine.

U javnoj raspravi učešće su uzela 3 pravna subjekata koji su se u pisanoj formi odredili prema ponuđenom Nacrtu, i to:

1. Općina Centar
2. Općina Novi Grad Sarajevo
3. Općina Stari grad

### **I. Prilog javnoj raspravi Općine Centar**

„Službi za investicije, komunalni razvoj i planiranje dostavili ste prijedlog Elaborata sa zahtjevom za mišljenje, primjedbe i prijedloge. U prilogu dostavljen je Zaključak i nacrt Odluke o provođenju Elaborata. Uvidom u dostavljenu dokumentaciju kao i sam Elaborat ovim putem želimo da istaknemo sljedeće:

1. smatramo da se treba dopuniti član 7. točkom 4, idejno rješenje se usvaja na osnovu odabranog rješenja putem javnog konkursa za lokacije u užem gradskom jezgru.
2. Član 10. Prijedloga Odluke je u koliziji sa članom 4. Odluke o spomenicima od značaja za Grad Sarajevo („Službene novine KS, broj 12/11,21/16), kojom je utvrđeno da se spomenici postavljaju isključivo na osnovu Elaborata.
3. Lokaciju C6, predviđenu na zelenoj površini u okviru stambenog naselja, ne smatramo primjerenom, budući da se uz samu predloženu lokaciju planira izgraditi parka za pse, te da se radi o stambenom naselju.
4. Za lokaciju C14, tražili smo stručno mišljenje Zavoda za planiranje razvoja Kantona Sarajevo i Zavoda za zaštitu kulturno historijskog i prirodnog nasljeđa Kantona Sarajevo, a na inicijativu Općinskog načelnika za izgradnju fontane na predmetnom lokalitetu. Zavod za planiranje razvoja KS nam je dostavio odgovor, da je lokacija predviđena za predloženi sadržaj, a u skladu sa elaboratom

„Program uvođenja vode u prostor gradskog tkiva“ ( iz 2001. godine ), uz uvjet raspisivanja javnog natječaja za idejno rješenje, radi važnosti lokaliteta koji se nalazi u gradskom jezgru. Od Zavoda za zaštitu kulturno historijskog i prirodnog nasljeđa Kantona Sarajevo dobili smo oprečno mišljenje, kojim se ne dozvoljava ova vrsta sadržaja, a zbog činjenice da je prostor Malog parka potencijalno arheološko nalazište, te da je za njega Zavod planirao postupak stavljanja pod prethodnu zaštitu. Obzirom na navedeno, smatramo da se ova lokacija ne može planirati kao lokacija za izgradnju spomenika u skladu sa dostavljenim Elaboratom.

5. Lokaciju C17, također ne smatramo primjerenom obzirom da je na lokalitetu izgrađena biciklistička staza, te je planirano uspostavljanje botaničke bašte za potrebe osnovne škole „Nafija Sarajlić“. Predlažemo pomjerenje navedene lokacije na prostor u blizini, prijedlog obilježen na kopiji katastarskog Plana, a na kojoj je Općina Centar planirala izgradnju spomen obilježja Ljiljan, za koji smo vam već uputili inicijativu.
6. Predlažemo uvođenje još jedne lokacije u Elaborat za područje Općine Centar Sarajevo, za izgradnju spomen obilježja odredu Lasta, za koje je Skupština grada Sarajeva donijela Odluku o podizanju. Lokacija bi bila pored arhitektonskog fakulteta, na zelenoj površini, a prema ulici-spoj Stjepana Tomića i Patriotske lige; I za ovu lokaciju dostavljamo kopiju katastarskog Plana sa označenim mjestom za spomen obilježje. Vlasnik zemljišta je Univerzitet u Sarajevu, koji je dao suglasnost za navedenu lokaciju.“

#### **Očitovanje predlagača prijedlogu broj 1. Općine Centar**

Prijedlog se prihvća tako što se u članu 12. (prije član 11.) Odluke o provođenju Elaborata stav 1. mijenja tako da glasi:

„Po određivanju lokacije za podizanje određenog spomenika od značaja za Grada Sarajevo i Bosnu i Hercegovinu, te za podizanje spomenika na svim lokacijama unutar uže gradske jezgre, gradonačelnik Grada Sarajeva raspisuje konkurs za izbor odgovarajućeg idejnog rješenja spomenika.“

#### **Očitovanje predlagača o prijedlogu broj 2. Općine Centar**

Prijedlog se prihvća ne prihvaća, budući da predložene rješenje predstavlja izlazno rješenje, u slučaju kada gradska općina želi postaviti spomenik na lokacijama koje nisu mogle biti predviđene Elaboratom, a radi se o lokalitetima koji su vezani za određene događaje ili ljude od značaja za općinu i koje općina želi obilježiti, a što može biti i na objektima kojima upravlja Općina i sl.

#### **Očitovanje predlagača o prijedlozima broj 3, 4, 5 i 6 Općine Centar**

Prijedlozi broj 3,4,5 i 6 nisu predmet ove javne rasprave, budući da se prijelozni odnose na sadržaj Elaborata o mogućim lokacijama za postavljanje spomenika, spomen-obilježja i spomen-ploča na području Grada Sarajeva, a koji su od interesa za Grad Sarajevo.

Međutim problematika prezentirana putem iznesenih primjedbi i prijedloga, a koja se odnosi na drukčiju namjenu određenih lokacija iz Elaborata, a koja

utvrđena drugim planskim dokumentima zajednice, uvrštava se novi član 6. odluke koja se razmatra, tako da glasi:

- (1) U postupku razmatranja inicijative za podizanje spomenika na doređenoj lokaciji, nadležna služba Gradske uprave, provjerava je li predložena lokacija za izgranju spomenika raspoloživa, odnosno da nije izvršeno građenje nekog drugog objekta u skladu s drugim planskim dokumentom višeg reda s kojim Elaborat u međuvremenu nije usklađen, te je li određenim planskim dokumentom višeg reda, konkretnom lokalitetu ili njegovom bliskom okruženju promijenjena namjena koja je u koliziji s podizanjem spomenika, bilo prostorno, bilo sadržajno.
- (2) Ukoliko izgradnja nije moguća zbog ranijeg zauzimanja ili promjenjene namjene na navedenom lokalitetu ili bliskom okruženju koja je u koliziji s podizanjem spomenika, odabire se druga lokacija iz Elaborata po istom postupku.
- (3) Lokacije u Elaboratu se revidiraju namanje jednom u 10 godina, a po potrebi i ranije.

## II. Prilog javnoj raspravi Općine Novi Grad

„Vezano za Vaš poziv broj 08-OS-1580-4/19 od 26.02.2019. godine za dostavljanje mišljenja, primjedbi, prijedloga na Nacrt Odluke o provođenju Elaborata o mogućim lokacijama za postavljanje spomenika, spomen-obilježja i spomen-ploča na području Grada Sarajeva, a koji su od interesa za Grad Sarajevo, nakon izvršenog uvida u isti, obavještavamo Vas kako slijedi:

1. Član 10. (Spomenici od značaja za općinu) — predlažemo izmjenu: "U slučaju podizanja spomenika od značaja za općinu koja Elaboratom nije predviđena za postavljanje spomenika, pribavlja se mišljenje Zavoda za planiranje razvoja Kantona Sarajevo, mišljenje Kantonalnog zavoda za zaštitu kulturno-historijskog naslijeđa ukoliko se radi o lokalitetu pod zaštitom, a u slučaju da se inicira podizanje spomenika na lokaciji koja se nalazi u zoni zaštite nacionalnog spomenika, neophodno je i mišljenje Zavoda za zaštitu spomenika Federacije Bosne i Hercegovine."
2. Član 13. (Idejno rješenje za spomenike od značaja za općine Grada Sarajeva) — predlažemo izmjenu u tački 2.: "Za spomenik za koji se inicira podizanje na lokaciji predviđenoj Elaboratom sa oznakom "općina" ili na lokaciji odabranoj u konsultacijama sa nadležnim institucijama, općina pribavlja mišljenje o idejnom rješenju spomenika od Zavoda za planiranje razvoja Kantona Sarajevo, a ukoliko se radi o lokalitetu pod zaštitom i mišljenje Kantonalnog zavoda za zaštitu kulturno-historijskog naslijeđa."
3. Uvidom u Prijedlog mogućih lokacija na području Općine Novi Grad Sarajevo datih predmetnim Elaboratom, konstatujemo sljedeće:
  - Lokacija NG2 (k.č. broj 3549 KO Novo Sarajevo N) -Predmetni lokalitet se nalazi u obuhvatu Urbanističkog projekta "Trg međunarodnog prijateljstva" ("Službene

novine Kantona Sarajevo" broj 13/02, 19/13, 14/14). U toku su pripreme aktivnosti za realizaciju uređene parkovske površine sa obilježjima memorijala Alipaše koji je u XVI vijeku sagradio drveni Alipašin most po kojem je naselje i dobilo ime. Imajući u vidu navedeno, potrebno je u Elaboratu naznačiti da se radi o lokaciji od značaja za Općinu Novi Grad Sarajevo. Idejni projekat za navedeni sadržaj će pripremiti nadležne općinske službe.

- Lokacija NG3 (k.č. broj 3176/1 KO Novo Sarajevo N) -Predmetni lokalitet se nalazi u obuhvatu Regulacionog plana "Park šuma Mojmiilo" ("Službene novine Kantona Sarajevo" broj 23/14). Obzirom na Planom predviđene sadržaje kao i da su u toku aktivnosti na realizaciji Kulturnog centra Bosansko Kraljevstvo sa pratećim sadržajima (urbanistička saglasnost —rješenje broj 02/04-23-1229/18 A.D. od 17.04.2018. godine; rješenje o izmjeni urbanističke saglasnosti broj 02/04-23-5133/18 A.D. od 27.11.2018. godine), nismo saglasni sa predloženom lokacijom.
  - Lokacija NG8 (k.č. broj 4060/1 KO Novo Sarajevo N) — u toku je izrada novog Regulacionog plana "Alipašin Most I" (Odluka o pristupanju izradi Plana — "Službene novine KS" broj 14/14, 7/18).
  - Lokacija NG10 (k.č. broj 490, 491 KO Dobrinja) -Predmetni lokalitet se nalazi u obuhvatu Korekcije Regulacionog plana "Dobrinja" (Dvoetažna garaža kružnog oblika — ulica Trg Grada Prato) ("Službene novine Kantona Sarajevo" broj 33/16). U toku aktivnosti na realizaciji Planom predviđenog sadržaja (urbanistička saglasnost —rješenje broj 02/04-2310810/18 od 09.11.2018. godine), te nismo saglasni sa predloženom lokacijom.
  - Lokacija NG12 (k.č. broj 3493) — Predmetni lokalitet se nalazi u obuhvatu Izmena i dopuna Regulacionog plana "Dobrinja" ("Službene novine Kantona Sarajevo" broj 35/06). U toku je postupak pokretanja procedure izmjene važećeg provedbeno-planskog dokumenta u cilju stvaranja planskih pretpostavki za realizaciju "Tenis parka Sarajevo" na predmetnom lokalitetu što su podržali i subjekti planiranja na sastanku održanom u Općini Novi Grad Sarajevo dana 17.01.2019. godine. Imajući u vidu naprijed navedeno, nismo saglasni sa predloženom lokacijom.
  - Lokacija NG14 (k.č. broj 420 KO Dobrinja) - Predmetni lokalitet se nalazi u obuhvatu Regulacionog plana "Park šuma Mojmiilo" ("Službene novine Kantona Sarajevo" broj 23/14) i na istom je Planom predviđena lokacija spomen obilježja na zemljištu označenom kao k.č. dio 418 i dio 420 KO Dobrinja. Neophodno je u Elaborat uvrstiti precizuu lokaciju spomen obilježja u skladu sa postavkama navedenog planskog dokumenta.
4. Predlažemo da se u Elaborat uvrste i sljedeće lokacije od interesa za Općinu Novi Grad Sarajevo:
1. Lokacija 1. - ispred Osnovne škole "Aneks" (k.č. broj 2981/1 KO Novo Sarajevo III) — u obuhvatu Regulacionog plana "Švrakino Selo "Mlakve" čija je izrada u toku (Odluka o pristupanju izradi Plana— "Službene novine KS" broj 11/15).
  2. Lokacija 2. — Spomen obilježje braće Kadić u dvorištu Osnovne škole "Umihana Ćuvidina" (k.č. broj 2270/1, 2270/3, 2270/8 KO Novo Sarajevo N) —u obuhvatu RP "Boljakov Potok" (Službene novine KS" broj 31/14).

3. Lokacija 3. — (Dobrinjska ratna barikada) kod kružnog toka na spoju A i X trausverzale (k.č. broj 3223/2, 3223/4, 3215/2 KO Novo Sarajevo III) — obuhvat RP "Park šuma Mojnilo" ("Službene novine Kantona Sarajevo" broj 23/14).
4. Lokacija 4. — u ulici Izeta Karšića (k.č. broj 1067, 1068 KO Novo Sarajevo IV) — u obuhvatu Regulacionog plans "Briješće" ("Službene novine KS" broj 32/13).
5. Ujedno Vas obavještavamo da je u toku realizacija Memorijalnog centra brdo Žuc na lokaciji Golo Brdo.“

### **Očitovanje predlagača prijedlogu broj 1. Općine Novi Grad**

Prijedlog se prihvaća, te se predloženo rješenje uvrštava u član 11. (ranije 10.) predložene odluke koji sada glasi:

"U slučaju podizanja spomenika od značaja za općinu koja Elaboratom nije predviđena za postavljanje spomenika, pribavlja se mišljenje Zavoda za planiranje razvoja Kantona Sarajevo, mišljenje Kantonalnog zavoda za zaštitu kulturno-historijskog naslijeđa ukoliko se radi o lokalitetu pod zaštitom, a u slučaju da se inicira podizanje spomenika na lokaciji koja se nalazi u zoni zastite nacionalnog spomenika, neophodno je i mišljenje Zavoda za zaštitu spomenika Federacije Bosne i Hercegovine."

### **Očitovanje predlagača prijedlogu broj 2. Općine Novi Grad**

Prijedlog se prihvaća, te se predloženo rješenje uvrštava u tačku 2. člana 14. (ranije 13.) predložene odluke koji sada glasi:

"Za spomenik za koji se inicira podizanje na lokaciji predviđenoj Elaboratom sa oznakom "općina" ili na lokaciji odabranoj u konsultacijama sa nadležnim institucijama, općina pribavlja mišljenje o idejnom rješenju spomenika od Zavoda za planiranje razvoja Kantona Sarajevo, a ukoliko se radi o lokalitetu pod zaštitom i mišljenje Kantonalnog zavoda za zaštitu kulturno-historijskog naslijeđa."

### **Očitovanje predlagača o prijedlogu broj 3. Općine Novi Grad**

Prijedlog broj 3 nije predmet ove javne rasprave, budući da se prijedlog odnosi na sadržaj Elaborata o mogućim lokacijama za postavljanje spomenika, spomen-obilježja i spomen-ploča na području Grada Sarajeva, a koji su od interesa za Grad Sarajevo.

Međutim problematika prezentirana putem iznesenih primjedbi i prijedloga, a koja se odnosi na drukčiju namjenu određenih lokacija iz Elaborata, a koja utvrđena drugim planskim dokumentima zajednice, uvrštava se novi član 6. odluke koja se razmatra, tako da glasi:

- (1) U prostupku razmatrnja inicijative za podizanje spomenika na doređenoj lokaciji, nadležna služba Gradske uprave, provjerava je li predložena lokacija za izgranju spomenika raspoloživa, odnosno da nije izvršeno građenje nekog drugog objekta u skladu s drugim planskim dokumentom višeg reda s kojim

Elaborat u međuvremenu nije usklađen, te je li određenim planskim dokumentom višeg reda, konkretnom lokalitetu ili njegovom bliskom okruženju promijenjena namjena koja je u koliziji s podizanjem spomenika, bilo prostorno, bilo sadržajno.

- (2) Ukoliko izgradnja nije moguća zbog ranijeg zauzimanja ili promijenjene namjene na navedenom lokalitetu ili bliskom okruženju koja je u koliziji s podizanjem spomenika, odabire se druga lokacija iz Elaborata po istom postupku.
- (3) Lokacije u Elaboratu se revidiraju najmanje jednom u 10 godina, a po potrebi i ranije.

### **Očitovanje predlagača o prijedlogu broj 4. Općine Novi Grad**

Prijedlog broj 4 nije predmet ove javne rasprave, budući da se prijedlog odnosi na sadržaj Elaborata o mogućim lokacijama za postavljanje spomenika, spomenobilježja i spomen-ploča na području Grada Sarajeva, a koji su od interesa za Grad Sarajevo, tako će se iznesene primjedbe i prijedlozi razmotriti pri reviziji Elaborata u smislu mogućih lokacija uzet će se u obzir nove predložene lokacije.

S tim u vezi, usklađuje se i mijenja redsoljed potrebnih aktivnosti u tačka (2)

Člana 10. (prije Član 9.) Odluke tako da glasi:

„Gradonačelnik Grada Sarajeva pribavlja mišljenje općine na čijoj teritoriji se nalazi lokacija, mišljenje Zavoda za planiranje razvoja Kantona Sarajevo, mišljenje Kantonalnog zavoda za zaštitu kulturno-historijskog naslijeđa ukoliko se radi o lokalitetu pod zaštitom, a u slučaju da se inicira podizanje spomenika na lokaciji koja se nalazi u zoni zaštite nacionalnog spomenika, neophodno je i mišljenje Zavoda za zaštitu spomenika Federacije Bosne i Hercegovine.“

### **III. Prilog javnoj raspravi Općine Stari Grad**

Akt Službe za urbanizam:

„Dana 04.03.2019. godine Služba za urbanizam zaprimila je Vaš dopis Broj: 08-OS-1580-2/19 od 22.02.2019. godine. Navedenim dopisom upoznati smo da je u toku javna rasprava na temu Nacrt Odluke o provođenju Elaborata o mogućim lokacijama za postavljanje spomenika, spomen — obilježja i spomen — ploča na području Grada Sarajeva, a koji su od interesa za Grad Sarajevo. Shodno navedenom isti smo prosljedili Službi za boračko — invalidsku i socijalnu zaštitu Općine Stari Grad Sarajevo da ukoliko imaju svoje mišljenje, primjedbe, prijedloge, odnosno sugestije na Nacrt Odluke, Elaborat o mogućim lokacijama za postavljanje spomenika, spomen — obilježja i spomen — ploča na području Grada Sarajeva, a koji su od interesa za Grad Sarajevo, dostave najkasnije do 20.03.2019. godine. Služba za urbanizam je dana 21.03.2019. godine zaprimila dopis Broj: 08-41-31-95/19, Službe za boračko — invalidsku i socijalnu zaštitu Općine Stari Grad Sarajevo koji Vam dostavljamo u prilogu ovog akta.“

Akt Služba za boračko-invalidsku i socijalnu zaštitu



„Zaprimili smo dopis broj gore naveden, Službe za urbanizam u kojem stoji informacija, da je u toku javna-rasprava na temu Nacrt Odluke o provođenju Elaborata o mogućim lokacijama za postavljanje spomenika, spomen-obilježja i spomen-ploča na području Grada Sarajeva, a koji su od interesa za Grad Sarajevo. U istom ste naveli da Vam dostavimo eventualne primjedbe, prijedloge, sugestije na Nacrt Odluke i sami Elaborat. Sve boračke organizacije i udruženja s područja Općine Stari Grad Sarajevo smo upoznali o istom pa čak dostavili i u pisanom materijalu. Savez boračkih Organizacija-Udruženja i ABNOR-a Općine Stari Grad Sarajevo su nam dostavili Obavještenje pod brojem 04-03-20-3/19. koje Vam prosljeđujemo na dalji postupak prema Gradu Sarajevo.“

Akt Savez boračkih Organizacija-Udruženja i ABNOR-a Općine Stari Grad Sarajevo  
„Obavještavamo vas da smo na sjednici Predsjedništva Saveza Boračkih Organizacija i Udruženja i ABNOR-a Općine Stari Grad, održanoj, 20.03.2019.godine donijeli sljedeću odluku:

Od mogućih 16 prijedloga, Predsjedništvo Saveza se odlučilo na prijedlog u ulici Mula Mustafe Bašeskije za izgradnju centralnog spomen obilježja.“

### **Očitovanje predlagača o prijedlogu broj 3. Stari Grad**

Dostavljeni materijal i izneseni prijedlog nije tema ove javne rasprave.

## **Naknadne sugestije i prijedlozi Općine Centar od 28.05.2019. godine**

Poštovani,

kako sam upoznat, na 28. sjednici Gradskog vijeća Grada Sarajeva koja će biti održana u srijedu, 29.5.2019. godine, biće razmatran Prijedlog odluke o provođenju Elaborata o mogućim lokacijama za postavljanje spomenika, spomen-obilježja i spomen ploča na području Grada Sarajeva, a koji su od interesa za Grad Sarajevo.

U prilogu ovog dopisa Vam, kao Predlagaču predmetnog Prijedloga odluke, dostavljam sugestije nadležnih službi Općine Centar Sarajevo uz molbu da iste uzmete u razmatranje prilikom donošenja dokumenta koji tretira ovo važno pitanje.

**Predmet:** davanje primjedbi i sugestija na Nacrt Odluke o provođenju Elaborata o mogućim lokacijama za postavljanje spomenika, spomen-obilježja i spomen -ploča na području Grada Sarajeva, a koji su od interesa za grad Sarajevo

U vezi Nacrta Odluke o provođenju Elaborata o mogućim lokacijama za postavljanje spomenika, spomen-obilježja i spomen -ploča na području Grada Sarajeva, a koji su od interesa za Grad Sarajevo, Općina Centar daje slijedeće primjedbe i sugestije:

Odlukom o spomenicima od značaja za Grad Sarajevo („Službene novine Kantona Sarajevo, br. 12/11, 21/16 i 51/18) u članu 4. propisano je da se podizanje spomenika vrši u skladu sa Elaboratom o spomenicima od značaja za Grad Sarajevo.

Navedenim članom propisana je obaveza Grada Sarajeva za donošenje Elaborata o spomenicima od značaja za Grad Sarajevo. Cijeneći navedenu odredbu Gradsko vijeće Grada Sarajeva trebalo je donijeti Elaborat o mogućim lokacijama za postavljanje spomenika, a koji su od interesa za Grad Sarajevo, što je i učinio dana 28.01.2015.godine i ugrađeno Izmjenama i dopunama Odluke iz 2018.godine.

Smatramo da predloženi Nacrt ima dosta dobrih odredbi , ali iste nisu usaglašene sa Odlukom , izlazi van okvira Odluke, odnosno propisuje detaljnije ono što je Odlukom propisano. Zbog navedenog bilo bi svrsishodnije da je pokrenut postupak dopune Odluke o spomenicima od značaja za Grad

Sarajevo. Predloženi Nacrt Odluke o provođenju Elaborata o mogućim lokacijama za postavljanje spomenika, spomen-obilježja i spomen -ploča na području Grada Sarajeva, a koji su od interesa za Grad Sarajevo treba da ima pravni osnov, koji će biti zasnovan na Odluci o spomenicima od značaja za Grada Sarajevo.

Ističemo da bi bilo bolje da smo bili uključeni u momentu donošenja Odluke o pristupanju izradi Odluke o provođenju Elaborata i imali priliku da dostavimo sugestije da li je bilo potrebno donositi Odluku.

Član 10. Nacrta podržavamo, ali je isti je u koliziji sa članom 4. i članom 10, Odluke, tako da smatramo da bi bilo svrsihodnije dobre prijedloge iz Nacrta ugraditi u samu Odluku.

Članom 11. utvrđeno je da se istim između ostalog uvodi obaveza provođenja konkursa, što je izuzetno dobar prijedlog ( uz obavezu da se koriguje tačka 6. Ovog člana jer postaje upitna procedura provođenja konkursa kada „o konačnom izboru idejnog rješenja odlučuje gradonačelnik rada Sarajeva"), ali je u koliziji sa Odlukom o spomenicima od značaja za Grad Sarajevo.

Dosadašnje iskustvo nalaže, da bi u slučaju da se provode konkursne procedure bilo neophodno da jedan od članova Komisije bude predstavnik općine na čijoj teritoriji se postavlja spomen obilježje.

Uočene kolizije Nacrta Odluke o provođenju Elaborata sa tekstom Odluke spomenicima od značaja za Grad Sarajevo , mogla bi komplikovati postupak izdavanja rješenja.

Shodno navedenom , predlažemo da se ne usvaja Odluka o provođenju Elaborata, već da se izradi izmjena Odluke o spomenicima od značaja za Grad Sarajevo.

U momentu izrade Izmjene Odluke, potrebno je gore navedene dobre prijedloge prihvatiti uz korekcije.

Potrebno uskladiti donošenje rješenja sa odredbama Zakona o prostornom uređenju Kantona Sarajevo, kojim je definisano da za sve interervencije koje su od interesa za Grad Sarajevo rješenja donosi Gradonačelnik putem nadležne službe.

Sugeriramo da se treba ukinuti obavezu podnošenja zahtjeva za izdavanje urbanistilke saglasnosti, jer isto nije u skladu sa odredbama Zakona o prostornom uređenju Kantona Sarajevo. Naime, izdavanje urbanističke saglasnosti podrazumijeva i obavezu investitora da na predmetnom zemljištu riješi imovinsko-pravne odnose odnosno riješi pitanje prava po osnovu kojeg će steći pravo građenja. Postavlja se pitanje ko će snositi troškove dodjele zemljišta. Nejasno je zašto je predloženi Nacrt propisao obavezu pribavljanja urbanističke saglasnosti, ali ne i odobrenja za građenje jer smatramo da je za svaku građevinu obaveza pribavljanja odobrenja za građenje izuzev onih za koje je Zakon o prostornom uređenju decidno naveo.

Dopisom Općine Centar Sarajevo od 20.3.2019. godine dostavljene su sugestije koje su se više odnosile na lokacije iz Elaborata. Ukoliko smatrate da su iste opravdane , molimo vas da razmotrite mogućnost izmjene i dopune Elaborata.

Općina Centar kontinuirano prima inicijative za postavljanje spomen obilježja i iste ćemo vam dostaviti na razmatranje. Nastavak procedure zavisi isključivo od stava Gradske uprave da li će se mijenjati član 4. Odluke u cilju stvaranja mogućnosti za donošenje rješenja na lokacijama koje nisu obuhvaćene Elaboratom. Ukoliko se na izmjeni član 4. osnovne Odluke, a krene se u usvajanje Odluke o provođenju Elaborata, molimo vas da u tom slučaju Član 10. dopunite na način da se briše tačka iza riječi “Bosne i Hercegovine” i dodaje tekst a ne kako je definisano Čanom 4. Odluke o spomenicima od značaja za Grad Sarajevo.

### **OČITOVANJE PREDLAGAĆA**

1. “Članom 11. utvrđeno je da se istim između ostalog uvodi obaveza provođenja konkursa, što je izuzetno dobar prijedlog ( uz obavezu da se koriguje tačka 6. Ovog člana jer postaje upitna procedura provođenja konkursa kada „o konačnom izboru idejnog rješenja odlučije gradonačelnik rada Sarajeva”), ali je u koliziji sa Odlukom o spomenicima od značaja za Grad Sarajevo. “

### **STAV PREDLAGAĆA**

**Cijeneci predložena rješanja i sugestije smatramo sljedeće:**

**Odbacujemo prijedlog jer zadatak konkursne komisije jeste utvrđivanje rang liste razmatranih idejnih rješenja.**

2. “Dosadašnje iskustvo nalaže, da bi u slučaju da se provode konkursne procedure bilo neophodno da jedan od članova Komisije bude predstavnik općine na čijoj teritoriji se postavlja spomen obilježje.“

### **STAV PREDLAGAĆA**

**Cijeneci predložena rješanja i sugestije smatramo sljedeće:**

**Usvajamo sugestiju da u konkursnoj komisiji za izbor odgovarajućeg idejnog rješenja bude predstavnik općine na čijoj teritoriji se podiže spomenik te se tačke 3) i 4) člana 12. prijedloga Odluke mijanjaju i glase:**

- 3) **Gradonačelnik Grada Sarajeva formira konkursnu komisiju koju čine predstavnik podnosioca inicijative, pomoćnik gradonačelnika Grada Sarajeva koji rukovodi nadležnom službom za uparavu, predstavnik Komisije za spomenike Gradskog vijeća Grada Sarajeva, predstavnik nadležne službe općine na čijoj se teritoriji postavlja spomen obilježje, te ovisno o vrsti spomenika, predstavnici Akademije likovnih umjetnosti ili**

udruženja ULUBIH i ULUPUBIH, Arhitektonskog fakulteta u Sarajevu ili Asocijacije arhitekata BiH, Zavoda za zaštitu kulturno-historijskog i prirodnog naslijeđa Kantona Sarajevo, Zavoda za planiranje razvoja Kantona Sarajevo, predstavnici institucija i/ili pojedinaca relevantnih za tematiku spomenika.

- 4) Rješenjem o formiranju konkursne komisije imenuju se članovi komisije, utvrđuje djelokrug komisije, uz obavezu donošenja poslovnika o radu komisije, te se utvrđuje visina naknade za rad članovima komisije, tako da pravo na naknadu ostvaruju svi članovi komisije, osim predstavnika Grada Sarajeva, predstavnika Komisije za spomenike Gradskog vijeća Grada Sarajeva, predstavnika nadležne službe općine na čijoj se teritoriji postavlja spomen obilježje i predstavnika podnosioca inicijative.

3. “Uočene kolizije Nacrta Odluke o provođenju Elaborata sa tekstom Odluke spomenicima od značaja za Grad Sarajevo , mogla bi komplikovati postupak izdavanja rješenja.

Shodno navedenom , predlažemo da se ne usvaja Odluka o provođenju Elaborata, već da se izradi izmjena Odluke o spomenicima od značaja za Grad Sarajevo.

U momentu izrade Izmjene Odluke, potrebno je gore navedene dobre prijedloge prihvatiti uz korekcije.

Potrebno uskladiti donošenje rješenja sa odredbama Zakona o prostornom uređenju Kantona Sarajevo, kojim je definisano da za sve interervencije koje su od interesa za Grad Sarajevo rješenja donosi Gradonačelnik putem nadležne službe.

Sugerišemo da se treba ukinuti obavezu podnošenja zahtjeva za izdavanje urbanistilke saglasnosti, jer isto nije u skladu sa odredbama Zakona o prostornom uređenju Kantona Sarajevo. Naime, izdavanje urbanističke saglasnosti podrazumijeva i obavezu investitora da na predmetnom zemljištu riješi imovinsko-pravne odnose odnosno riješi pitanje prava po osnovu kojeg će steći pravo građenja. Postavlja se pitanje ko će snositi troškove dodjele zemljišta. Nejasno je zašto je predloženi Nacrt propisao obavezu pribavljanja urbanističke saglasnosti, ali ne i odobrenja za građenje jer smatramo da je za svaku građevinu obaveza pribavljanja odobrenja za građenje izuzev onih za koje je Zakon o prostornom uređenju decidno naveo. “

## STAV PREDLAGAČA

Cijeneći predložena rješenja i sugestije smatramo sljedeće:

Ukoliko se vremenom pokaže da je bolje riješnije imati jedan objedinjen propis za predmetnu oblast, pristupit će se njegovoj izradi.

Zakon o prostornom uređenju Kantona Sarajevo (Službene novine Kantona Sarajevo, broj 24/17) u članu 48. tačka 2 propisuje:

- “Zahtjev za donošenje lokacijske i urbanističke saglasnosti podnosi se gradonačelniku za:
  - a) Izgradnju građevina na području dvije ili više općina u sastavu Grada
  - b) Izgradnju građevina i vršenje radova od interesa za Grad

Posebnim propisom gradonačelnika utvrđuju se građevine i radovi od interesa za Grad uz predhodno pribavljeno mišljenje Vlade Kantona”.

S tim u vezi, smatramo da se u slučaju podizanja spomenika od *značaja* za Grad Sarajevo i za općine u sastavu Grada navedeni član ne primjenjuje, odnosno morao bi predhodno postojati traženi propis gradonačelnika kojim se utvrđuju građevine i radovi od *interesa* za Grad, kao i saglasnost Vlade Kantona.

4. “Dopisom Općine Centar Sarajevo od 20.3.2019. godine dostavljene su sugestije koje su se više odnosile na lokacije iz Elaborata. Ukoliko smatrate da su iste opravdane , molimo vas da razmotrite mogućnost izmjene i dopune Elaborata.

Općina Centar kontinuirano prima inicijative za postavljanje spomen obilježja i iste ćemo vam dostaviti na razmatranje. Nastavak procedure zavisi isključivo od stava Gradske uprave da li će se mijenjati član 4. Odluke u cilju stvaranja mogućnosti za donošenje rješenja na lokacijama koje nisu obuhvaćene Elaboratom. Ukoliko se na izmjeni član 4. osnovne Odluke, a krene se u usvajanje Odluke o provođenju Elaborata, molimo vas da u tom slučaju Član 10. dopunite na način da se briše tačka iza riječi “Bosne i Hercegovine” i dodaje tekst a ne kako je definisano Čanom 4. Odluke o spomenicima od značaja za Grad Sarajevo.”

## STAV PREDLAGAČA

Cijeneći predložena rješenja i sugestije smatramo sljedeće:

Dodaje se tačka 2) u članu 11. koja glasi:

2) Član 4. Odluke o spomenicima od značaja za Grad Sarajevo u ovom slučaju se ne primjenjuje.